

純
常
子
枝
語

純常子枝語卷三十

萍鄉艾廷武撰

自衛元嵩作齊三教論後宋明以來愚昧學者好言三教同原此不足辯之說也理之是者固或不異然其大旨之別又安得同近世乃有以丹經附入釋典且有援中庸以作證者吳支謙譯佛說法律三昧經云好學外道習邪見人反持異術比佛深經言道同等用此意故後世轉退去大道遠此之謂也

明人書如四書小參之類近人書如中庸丹訣

之類皆可謂亂道也

佉盧虱吒爲婆羅門教主佛亦甚重之大集經卷四十

二云佉盧虱吒仙人說法已諸龍在佉盧氏山聖人住處尊重恭敬卷四十六云佛在佉羅帝山牟尼諸仙所依住處與大比邱衆有學無學說日藏經已卽時西方現大華雲所謂優波羅華乃至婆利師迦華其華光豔照牟尼仙所依住處七寶五柱重閣講堂甚奇微妙按佉羅帝山當卽佉盧氏山之異譯婆伽婆所說吉祥章句大力神呪云過去諸仙之所宣說月藏菩薩所說偈有云吉祥勝地精一切處充滿又云吉祥令衆生而得勝菩提殆皆就勝論師言而用其遺說歟

法蘭西爲天主教盛行之國然西國近事彙編

丙子二月云

法議院深惡天主教人欲嚴定章程鈴束之視德相管

教綦嚴德相

謂俾思麥

懲教人昔時盜執事權陰助法人德

意志因之削弱不振者百餘年故戡法功成卽嚴加約束法國則不然鄙薄教人非君相意蓋議院新舉諸臣皆讀書有聲之士法之先儒有名魯所者名浮勒特耳者著書數十萬言攘斥天主教大聲疾呼不遺餘力後之有志正學者奉以爲宗今好修之士盡列議臣故以屏斥教人爲己任云按彙編本譯英國報章故多尊新教而斥舊教左右佩劍相笑不休然如魯所浮勒特耳之書則當廣譯以盡其變且使中國之入天主教者知

西人亦嘗大肆攻擊非必人人奉若神明也增訂五洲

通志云挨培拉爾名比哀爾一千七十九年生於曩忒

法國西邊地
臨大西洋

受業於其亞姆奪爽巴未幾攻詆其師不

遺餘力緣其師以教書內所載事實一若真有其人也
然同師羅失來以教書所載爲憑空結撰者亦復被其
排斥故時人以挨培拉爾所宗爲最得中庸之道實則
與羅失來不甚懸殊詞氣略和平耳故其初於上帝不
甚相信每指摘教書所載多出自想像附會後悉心研
究自謂得上帝真詮因以之教人亦頗著速效按挨培
拉爾羅失來並不信教書則必攻天主教又其書言佛

教回教中博士亦知天主教之道理可謂不滯方隅之見者已魯所或譯作盧瑣

佛教燒身然指之事久爲世俗所譏按釋延壽萬善同歸集卷三云問身爲道本縛是脫因何得然指燒身背道修道高僧傳內小乘律中貶斥分明奚爲聖典答亡身沒命爲法酬恩冥契大乘深諧正教大乘梵網經云若佛子應行好心先學大乘威儀經律見後新學菩薩應爲說一切苦行若燒身燒臂燒指若不燒身臂指供養諸佛非出家菩薩大乘首楞嚴云佛告阿難我滅後其有比丘發心修三摩地能於如來形像之前身然一

燈燒一指節及於身上熬一香炷我說是人無始宿債
一時酬畢又問五熱炙身投崖赴火九十六種千聖同
訶而答者云執卽成滯了無不通若云總是泥乾成正
真之道諸佛錯訶若說俱非藥王墮顛倒之憊諸佛錯
讚余按此所引梵網楞嚴二經楞嚴西土所無未爲堅
證夫捨身飼虎久著佛緣節節支解豈仇哥利且視身
如幻何有然燒大乘圓通諒無不可而垂爲教旨竊恐
未然梵網所謂燒身臂指蓋卽受戒之時熱香表信之
類非以戕身害性自失大利也小乘經教傳授昭顯旣
無此事所當遵守或五天風俗多從苦行入門釋氏特

留此派廣化外道不必以震旦人情妄加評議也緇林
寶訓卷四辯燒身指大小相違云資特云義淨三藏寄
歸傳廣斥世人燒身然指意謂菩薩大士之行非出家
比丘所宜不知機有淺深教分化制小機急於自行期
報盡以超生大士專在利他歷塵劫而弘濟是以小律
結其大過大教歎其深功大小俱是聖言抑揚豈容乖
異然有勇暴之夫情存矯誑邀人利養規世聲名故壞
法門乃佛教之大賊自殘形體實儒宗之逆人直是惡
因終無善教今時頗盛龔俗豈知則義淨之誠亦有取
矣

論語老而不死是爲賊記郝蘭皋筆錄引某氏之言以爲原壤必學神仙之言而孔子斥之其說致確余嘗謂子張問崇德辨惑而夫子以愛之欲其生惡之欲其死爲惑愛之欲其生亦神仙之學也神仙之學三代以前有之而六經不言是子不語怪神之證也阮文達以眞字爲神仙術專名故經典皆不用此字可謂得其指矣揚雄法言君子篇云聖人不師仙厥術異也

新譯延壽新法卷三云古時苟無邪說殘害暴行置人

民於地下

按此死之謂

苟非妄立意見譬喻以解釋天變而

實未知其故者則人之才學當更合理純一而全備一

種格致之學不至時時與別一種相爭今日之考究不
至爲明日所拒敵萬事皆和睦而相長進矣按此條譯
手未工其意蓋謂有暴君苛政以致人於死而疾疫饑
饉之事或漫以爲天變而不預防或徑以爲天罰而但
求悔罪不復考究保生益壽之法而使人之才學有所
誤用也又云人壽原無界限格致不能擬一壽限以此
推之異時格致之學盛則天教必稍衰而神仙之學或
因之而轉熾亦未可知也

英人器德大同學云近世不乏野蠻伏處五洲偏僻之
山林散居大海蒼茫之島嶼皆未知教化爲何乃察其

土風究其習俗無論是何種類莫不道及上天信有鬼神能爲禍福余按英之名流施本思曰惜哉人之講道也古人混沌未鑿偶有誤會誠無足責乃至真理大明之今世仍執上帝賞善罰惡之一言不知賞善罰惡乃自然之公理何必有上帝以司之玩其所言亦天教盛衰之關鍵也

元廉希憲之言曰受孔子戒或問孔子亦有戒乎余曰有之孔子之戒所謂戒之在色戒之在鬪戒之在得也竺乾十善身業三戒曰殺盜婬者戒在色也殺者戒在鬪也盜者戒在得也儒者之學以修身爲本故與釋

家身業三戒若合符節矣援儒入釋學者所忌然如此等東西一揆亦不可不觀其通也

顏氏家訓歸心篇云內典初門設五種禁外典仁義禮智信皆與之符

上蔡語錄云昔錄五經語作一冊伯淳見謂曰玩物喪志按此以記經爲玩物其說甚高然於禪家之言語道斷如出一鼻孔矣程學未嘗不開陸王一派卽此等處可見

婆羅門教中國雖不行然高僧釋道融傳云姚興敕入逍遙園師子國有一婆羅門聰辯多學爲彼國外道之

宗謂其徒曰甯可使釋氏之風獨傳震旦而吾等正化不洽東國遂乘駝負書來入長安姚興惑之後融與婆羅門誦抗婆羅門理屈像運再興融之力也是婆羅門大師及其經典曾入中國而寂然不傳要爲可惜此婆羅門何名是何宗派未知印度史中尙記其事否當再考之通典職官二十二符祇正自注云祇者西域國天神佛經所謂摩醯首羅也武德四年置祇祠及官常有羣胡奉事取火祝詛是婆羅門溼婆一派久行中國矣韋述兩京新記十字街西南隅胡祇祠武德四年所立西域胡天神佛經所謂摩醯首羅也余按新記十字街

東之北又有波斯胡寺知唐人於波斯廟不以祇稱之
是時印度婆羅門教蓋又復盛故其徒接踵來唐以印
度教史觀之商羯羅之振興婆羅門而排佛教亦印度
古教之功臣也年僅三十餘而卒固宗教中之偉人矣
新譯交涉紀事本末云中國與印度所出異物甚多兼
有織成布疋古時西人命其名曰色利楷佛司鐵司其
價在羅馬極昂故商販不辭跋涉也彼時因早已通商
故卽有納司安廉恩教士深入東方各處極窮遠之境
以傳其教并能與中國書牘往來以通聲息原注云西
歷五百年時有康司坦汀奴潑而教頭名納司安廉后

司者與其眾門徒創立一教卽以其名名其教曰納司

安廉恩教現在波斯及印度等國仍有信奉其教者余

按納司安廉恩教卽楊榮鈺所稱天主教尼氏派也楊

氏附會以爲景教洪文卿景教考言東晉時西歷三百九十五年

按與交涉本末言有聶斯托爾按卽納司安廉爲東羅

馬教士教王擢爲康思灘丁諾白爾之主教者亦卽此

人近年回疆之亂俄人襲伊犁守之查得其地有聶斯

託爾教內華民約三四百人余謂此當由波斯印度展

轉傳入伊犁與唐時景教固無涉也交涉本末又云據

納司安廉恩教士書云中西相通自諸士顛尼恩卽羅馬國

別纔痕汀皇生於四百八十時始至阿拉伯人懷曙勃

三年歿於五百六十三年

及阿蒲才特游歷東方時止此二人於八百五十年及
八百七十七年中所著游歷記言經過海道及所至口
岸風土民情并一切通商門徑靡不詳悉余按此尤足
見納司父廉恩教非景教之證景教在唐初已行於中
國其來者豈止二人且父廉恩教士書中何不詳述耶
日本鎌倉榮古游突厥記云每禮拜五突王臨幸些拉
母力故式同教祭典之名步騎礮工各隊咸扈從部伍整肅士
氣懍然僧正起祭壇右手提利劍左手捧經而讀亦有
勇敢無前之狀突兵之所以具備美質如此者固出天

稟亦回教之力使之然也其信堅篤者禁煙酒惡衣食
虛空晏如不厭勞苦不畏寒暑樂天知命所調壽夭不
貳富貴不動心者存焉如遇軍事燬家室杜內顧之念
至甚則有縊殺妻孥者故臨戰惟知獻一身於天帝國
主罔顧其他勇鬪奮擊以裹屍馬革爲榮余謂英人重
同血綱德人重同地綱若前後十字軍及突厥人之自
護其國者亦可謂同教綱也禮拜五者蓋據基督教言
實穆教禮拜之期世界地理云中國之回教徒不下三
千萬彼等於雲南則曰本塞伊斯於甘肅松加利亞及
北部一帶則曰登庚卽東按回民之盛如此其所以弭

患者不易言也

喀什噶爾爲唐時佉沙王所居之迦師城迦師與喀什
音近譯音無定字耳蕭雄西疆雜述詩注云喀什耆初
也噶爾創也大約因蔥嶺以東之回教創此地耳城東
五里許有一塋園據稱爲布拉尼整篤先人噶哈不諦
敏之墓園無別物只一空亭頂圓而尖中植枯樹一株
名曰公波斯回人男女老少敬奉甚篤每逢禮拜前一
日爲此間禮拜之期按蕭雄所指禮拜當指天主耶穌
教禮拜而言回教禮拜先於天主
二日詩注云回回教禮黎明男女擁集盟浴誦經拜畢
拜在牛婁鬼亢四日始散各城阿渾多有來朝拜者按教主在天方其後至

二十六瑪木特玉素普始東遷喀什噶爾城則此爲瑪

木特玉素普之墓無疑

詩注泛引穆罕默德事者皆非是今悉刪去

又云回部有專門行教者名曰海連搭爾如中國巫師之類其帽用駝毛細繩紅白相間織成高尖月斧形緣以皮邊衣卽彼中之通惟袖大而密紉如袖腰繫駝毛大帶垂綰於前以玉石紅綠綫等懸於襟上凡祈禱禳解之事皆彼爲之閒時則唱勸世文以翼風化

回教圖爾罕經凡三十篇內皆教人敬天行善治家立身之事兼言果報法戒兼備回人婦孺皆敬信之以之持身以之送死有病者誦之亦或得愈聞之友人云左

文斐西譯以華文有刻本余求之苦未得也按新疆所
傳者又有瑪哈木諦敏之經蓋卽瑪木特玉素普所著
今其地回教禮制皆出此經然與天方國中所傳不能
悉合大昂貞益譯回教云回教之經書分全書百四十
篇每篇各異其題號其長短亦極不同長者至數百千
言短者僅二三段書中或載天神之垂訓或載法教修
身法律等事由卷首至卷尾有一貫之主義其篇名有
牝牛伊姆跌姆名人婦人抄掠希刺士名人希沙保名人阿波
跌哈姆名人夜行空洞會議新聞離婚無花果再生等之
類其文章高古婉美極盡詩歌形容之妙其所載之事

多從舊約全書引來其徒奉之曰哥蘭經哥蘭者讀本之義

小乘經典有極平實之說如佛說滿願子經云

東晉佛譯本

告邪耨比邱假使邪耨比邱自見色者可眼之物不以歡樂心不處中惱患則除耳鼻口身意亦復如是是爲粗舉要法此與論語非禮勿視一節老子五色令人目盲一章大旨相近言三教合一者若舉此種訓世固無可非乃鑒而深之歸諸心性之源天人之表則支離附會無有是處矣

印度人一舉手一投足無非教式

見印度教書

此則與聖人

四勿之說似是而非而顏李之學乃有與之合者末流多生枝節未爲醇雅也

仁非平等之學必有仁之者義乃平等之學萬物各得其分也鄭君以相人偶釋仁則仁亦平等矣瑜伽師地論釋大慈大悲以爲大慈容有不受大悲則無不普其意至精仁固兼慈悲二義歟

孟子言惻隱是悲之義

仁者教之宗也凡教無不以愛爲主者義者政之體也純乎義以治國則法律世界也

謝承後漢書佛以癸丑七月十五日託生於淨住國摩耶夫人腹中至周莊王十年甲寅四月八日始生

韓鄂歲華

紀麗三 路
史發揮注三

顧微吳地記曰佛法未詳其始而典籍亦無聞焉魯莊

七年夜明佛生之日也左氏傳曰莊公七年辛卯夜恆

星不見夜明也

文選王中頭陀寺碑注按顧微當作顧廣微此當是隋人舊注趙煬帝諱而李

善仍之

清真指南等書皆以米南宮爲回教中人以寶晉英光

集證之南宮實皈依佛教與穆罕鰲德不相涉也惟南

宮世系出自西域世故以此稱之元黃文獻曰損齋筆

記云米元璋自署其姓名及所用圖記米或爲芊芾或

爲黻黻芾猶可通用芊乃楚姓米氏自出西域米國胡

人入中國者因以爲姓唐有屈紇米懷玉五代有沙陀
米至誠非若樓與婁邵與召同所祖也姓固可混而一
之耶陳熙晉考證云通志氏族略米氏西域國胡人也
唐有供奉歌者米嘉榮五代米至誠望出隴西高平

堯典言以親九族言平章百姓竊意中國古昔亦族長
政治也羅馬志略云古初羅馬法制簡而不煩國中分
數族各族有長商論國事衆族長聚於一堂國人呼之
曰諸父其議政院名爲父老議院國王爲議政院居首
位之統領一國視如一家視國父爲一家君父堯之時
蓋當如是九族卽指國中大族而言非謂堯之親屬也

九者多數汪容甫釋三九例明之

宋史仁宗紀天聖五年西域僧法吉祥等來獻梵書

宋史徽宗紀大觀七年御集英殿策高麗進士

黃林材印度劄記下廓爾喀風俗無異唐古忒喇嘛亦

多又云布魯克巴部一名布屯西南距獨吉嶺二日程

俗重紅教喇嘛有唐時賜印篆曰唐師國寶之印又云

大吉嶺按卽獨吉嶺居民數百家語言風俗與唐古忒相似

謝濟世西北域記曰渡黑水行十餘日至達賴喇嘛所

居曰烏斯藏唐吐蕃國都也大招門外劉元鼎會盟碑在焉藏中向有碗試毒

香辟邪藥服巨棗旄牛獫臚石青礪砂琥珀氍毹鑄金

爲佛其長寸餘鑄銀爲錢其重二銖又云蒙古奉喇嘛
舊矣考元史可知也自西藏之達賴喇嘛出而信之尤
篤稱曰活佛佛何知知前身

世俗所傳太陽經詞句俚鄙而嶺表尤盛傳李仲約侍
郎謂余曰此有明遺老思故君之隱語也第一句云太
陽明明朱光佛明者國號朱者國姓也中云太陽三月
十九生二或誤冬非是三月十九日乃莊烈帝殉國之日也其
餘詞語頗雅可見余審之誠然此等流傳微近於邪教
而其實非是又不可以不察也

回教亦頗信占驗之事俄人宜萬甯鐵木眞用兵論記

摩哈美士之言曰待星位更迭而幸福之時機到云云

是其證也

希臘羅馬諸名將亦好用豫言家說

又云當千二百六十二年

克拉克欲襲波克塔士時克拉克之占星者左袒阿巴設土宗派言曰星位不利今若襲阿巴設土馬匹斃惡疫發軍中太陽不出雨不降暴風起大地震壤土覆地味疲瘠百物不生克拉克不逾年將死云云克拉克於是召亞里宗派之占星者問之謂某言可信否則曰否否克拉克若襲波克塔士必可克之克拉克從之果獲波克塔士按此可知軍中當重人事而占驗之說吉凶迴殊亦各國之所同也

中說周公篇曰詩書盛而秦世滅非仲尼之罪也虛玄
長而晉室亂非老莊之罪也齋戒修而梁國亡非釋迦
之罪也按此已隱然並三教而論之然知老佛皆無與
亂亡之事則文中子之卓識也

權德輿兩漢辨亡論云靜徵厥初則亡西京者張禹亡
東京者胡廣皆以假道儒術得伸其邪心徼一時大名
致位公輔余謂僞儒之亡人國禍尤酷於老佛然不能
以是罪詩書也

開成石經至今尙存雖有譌舛然唐本尙可見甚盛事
也若釋氏石經弄藏涿州雲居寺者事始於隋至遼及

金始竣今偶見數行搨本其字畫皆勝於唐人寫經固知釋迦言教尙行此刻未須流布也于奕正天下金石志載清甯四年趙遵仁涿鹿山雲居寺續鐫石經記云四大部經鐫畢又沙門石才雲居寺續祕藏石經塔記云大定十年錢已盡功且止碑四千八十片經四十四帙題名目錄刻如左未知後代誰更繼之是全藏尙未刊竣然較開成石經之功已數十倍矣西來貝葉此譯法言歷久彌昌已將二千載矣懸記所云末法三千年又云一萬年者果孰是而孰非耶抑並出後人揣量不可盡信耶

上蔡語錄明道嘗曰吾學雖有所受天理二字卻是自家體貼出來按言有所受當指濂溪言自家體貼則朱子所謂得不傳之說於遺經也大程子於周子未盡抹殺也

神祕之學妖怪之書自今以還日將逾盛然五經所論諸史所載已肇其端矣顧阮瞻著論惟言無鬼程朱學派乃近無神原其得中未若子元之近正也史通書事篇云怪力亂神宣尼不語而事鬼求福墨生所信故聖人於其間若存若亡而已若吞燕卵而商生啟龍瘠而周滅厲壤門以禍晉鬼謀社而亡曹江使返璧於秦皇

圯橋授書於漢相此則事關軍國理涉興亡有而書之以彰靈驗可也而王隱何法盛之徒所撰晉史乃專訪州閭細事委巷瑣言聚而編之目爲鬼神傳錄其事非要其言不經異乎三史之所書五經之所載也按劉氏所議惟在史裁夫焉知天道禪竈所以致饑未能事人季路猶其多問竺乾統觀於三世柱下深慮於相傷自重黎受命以來知地天之殊絕也然而牛哀化虎郅后成蛇雷電而發象華雨雹而占蜥蜴業報之理昭然可知感應之情亦微而著雖無當於興亡良有關於學術記者垂爲實錄以待參稽亦何異於神降石言鵠巢鷄

退得入素王之往牒更煩前哲之敷陳也後世日光淪照物理多通九流末家將蔚爲巨子然後立政立教庶有指歸十世可知今猶勿論可耳

文選孫綽遊天台山賦肆覲天宗李善注天宗爲老君也按天宗與天尊義同而天宗之稱較先於天尊孝經郊祀后稷以配天宗祀文王於明堂以配上帝許周生鑑止水齋集讀此經於宗字句絕周書世俘解云武王乃矢珪矢憲告天宗上帝是天宗二字之始

隋書經籍志雜傳內有嵩高寇天師傳一卷

青巖叢錄云道家經典世傳太平經最古且多今不復

存余按永樂大典尚頗引之然其所言興國廣嗣之術殆不過房中鄙褻之談若大同等經大率六朝以來文士之所造雖文采可觀而往往淺陋無甚高論

近人張星耀有通鑑紀事本末補後編五十卷專記老釋二家事余未之見

法蘭西近世史云哲學自克孫折衷說比倫懷疑說之外闡明人道之根本不入於不可知之講究卽知講究乃限於實在之境開一派實在說卽杭特正與孔子之教義不期而合若其人置東洋則亞聖人也法人之繼述此學者曰李多蒙其所著之實在哲學竭畢生心力

以注之余按孔子之學固重人事矣然易與中庸何嘗不周流六虛乎以杭特實在說擬之亦僅得其半耳

井上圓了哲學要領云就支那諸子與西洋學派比較老莊者西洋所謂任他主義申韓者其所謂干涉主義也或有評老子學爲自晦主義楊學則爲自利主義與希臘伊壁鳩魯派之主義相類墨子之兼愛近於邊沁諸哲之功利說孟子之性善論同於里度諸賢之說荀子之論性惡以積習導僞證明心性之發達與洛克氏之學派尤相同揚雄善惡混說李翱之復性說程朱之性理論希臘哲學家言皆有之其他公孫龍鄧析之講

論理法近於芝諾芬尼管子商君之言政治學類於亞里斯多德孔子之明人倫似瑣格拉底莊列說精神不滅似畢達哥拉斯老子談道之本體與斯比諾沙之本質論舍倫之絕對論斯賓塞氏之不可思議說多仿佛焉余謂東海西海此理相同固當有閉門造車出而合轍者然既知其同又當知其所以異則有待於辨章學術之士矣

元史譯文證補拔都補傳云合圍物拉的迷爾戊戌春城破北至錫第河復北趨諾拂郭羅特未及城百數十里而退

俄史云林木掩蔽華而甫云時天暖雪消道路泥濘故退

按俄人宜萬甯鐵

木眞用兵論云拔都到諾布哥羅特

即諾拂郭羅特

之道程不

過二百餘里而決意旋陳者以三月下旬化雪所阻不然則四月中旬可達諾布哥羅特矣計蒙古兵蹈人跡未到之積雪自里亞撒北行者已不下一千俄里也其可以堪此行軍者特蕃士騎兵而已然亦頗屈撓云徵之於史拔都旋軍之地名伊克那特伊十字架之地今亦未審所在彼蓋由設利克爾道先渡設利克湖冰而後向波拉河者也何者湖冰比林中徑路尤便故伊克那特伊十字架當在波拉河岸距諾布哥羅特百九十一俄里之處於波拉河之右岸有一村名伊克那特伊又

稍偏於諾木哥爾特地有斯巴斯克維及波哥羅的特
克維之二村拔都旋中軍之地蓋近村落之近傍乎又
蒙古之一軍向窩羅足克及窩爾台進直道者其先鋒
當時已到克列斯特特伊於是如旋軍者云此並足爲
洪書之證宜萬甯又云拔都旋軍之事俄國史家記之
者殆少故文卿所譯亦不能詳也

又云庚子冬拔都攻計拔甫克之按宜萬甯云幾維夫
卽計拔甫之異譯俄之南都也何日歸蒙古之有史亦未詳史

曰幾維夫以一千二百四十年尼哥林祭日爲蒙古所
略取云云然尼哥林祭有五月九日及十二月六日之

二祭今不能質言之若以爲五月九日蒙古兵渡土尼伯爾河而圍該都之舉當在甚久以前也又幾維夫不得長支其圍則蒙古兵當於土尼伯爾冰解而河漲之時渡之以起圍城之工者也若然則實可驚愕何者土尼伯爾河幅不狹當河水漲時如率數萬兵馬濟之其艱苦爲何如乃據史家所說其會幾維夫城下之蒙古兵如雲如雨山川草木悉無不兵者車輪麟轢之聲鐘鼓鞀鞞之音馬嘶駝叫聲震闔城至不能辨人語云夫部勒此大軍於春候漲溢之時徑渡大河果遵何法此又不能無疑者也按喀拉木仁氏以幾維夫落城爲十

二月六日波列窩伊氏以爲五月九日大僧正維夫克
尼氏亦云十二月六日烏斯特里亞羅烏氏以爲五月
九日又據羅烏連奇維夫氏以該府之降服爲一千二
百三十九年十二月九日又伊克那奇維夫氏日錄亦
同其說史家聚訟如此然亦足見俄人之精挈史學也

洪氏據華而甫說云西十二月六日
又土尼伯爾河洪書作帖尼博爾河

又云貝爾因倭耳默次城誘戰不出按倭耳默次宜萬
甯書作阿耳密特云蒙古人欲誘致城兵於平原然耶
羅斯拉夫更事多不肯陷其術於是蒙古亂射火箭入
城須臾火起風烈火盛城欲陷有逃降敵軍者蒙古兵

斬其首縛之馬尾巡行府旁欲激怒城兵城兵果憤請

戰耶羅斯拉夫不許兵士有恨之者乃下嚴命禁突戰

彼達達卽貝遂分兵馳擊摩拉維亞之州郡而圍城之兵

半滅耶蘇斯拉夫窺敵警備稍弛六月二十四日乘夜

突出襲之克之蒙古將某死焉達多桑書云或謂貝翌日

士卒號泣行葬儀又鑿殺囚虜爲犧牲祭之後三日蒙

古兵爲合拔都撤陣赴匈牙利

又奇卜察克酋庫灘宜萬甯作波羅夫特伊几兩見人

之酋長克丹

又辛丑春守喀而巴拉山隘將逃歸宜萬甯云破喀爾

巴特山之守兵進當時所謂俄羅斯門者卽們喀奇及
賽克窩爾之間道而侵入匈牙利

又速不台亦自東南踰山陟險合於大軍自注云此語
西書所無因欲合於速不台傳鄯甯河之戰故云按宜
萬甯云彼達於六月下旬七月上旬之交經過所謂匈

牙利門卽喀爾巴特山峽

自注卽耶布龍喀乎

侵入匈牙利速不

台及闊端亦自摩爾達維亞來會之是西書記此事甚
明晰洪偶未之見耳

賽育河宜萬甯作沙伊阿河元史作鄯甯河按宜萬甯
言此河幅廣沮洳多或鄯甯當作鄯甯乃以義名之非

譯其音耶

元聖武親征錄西域速里壇札蘭丁何秋濤校丁後作
木當以丁爲正祕史作回回王札刺勒丁卽算端也札
蘭丁與算端音亦相近余按速里壇元史或作速魯壇
或作算灘卽算端也札蘭丁實算端之名耳音亦不近
願船說誤

朱蓉生無邪堂答問云淮南要略訓謂墨氏學儒者之
業受孔子之術按墨書有子夏之徒問於子墨子云云
見排其初受儒業蓋亦有之余接近人多不信此說然
桂篇正不足異也

顏師古漢書匈奴注云曰鮮卑之俗秋天之祭無林木者尚豎柳枝眾騎馳繞三周迺止按今滿洲之媽媽竿疑卽其遺法也

日本松村介石萬國興亡史云北人與棲息日耳曼森

林之盜格魯撒遜

按撒遜或譯作沙克生均與撒遜二字音近疑卽洪鈞元史譯文證補所

記之粟特種也粟特卽撒遜余別有考同族者也斯族原戴阿金爲長出

北方開國北海之濱資性極剽悍好戰至後世遂奉阿金爲戰神按此疑亦匈奴徑路神之類與中國之祭蚩尤亦相似也

希臘蘇庫拉跌士哲學之祖也有知德合一說日本吉

目雄智譯之

井上圓了妖怪百談云古來有名魔法呪術者自今視之是一種之催眠術余按催眠術今日本尙有之然與呪術要不相似也

北史新羅附庸於伽羅國東藩紀要云齊書加羅國三韓種也駕洛國紀龜旨峯有異氣往覘之見有紫繩繫金盆而下開盆有金色六卵翼日有六童子破卵出十餘日身長九尺眾奉一人爲主號首露王生於金盆因姓金氏國號伽耶餘五人爲五伽耶主

五伽耶東以黃山江西南濱海

西北以智異山東以伽耶山爲境

文獻備考駕洛或作伽落卽伽耶也

後改爲金官輿地勝覽龜旨峯在金海府北三十里今屬慶尙道余按伽羅埵屬於新羅故亦姓金疑本與新羅爲同族也伽羅之音或云與覺羅爲近未知然否王建贈王屋道士赴詔詩云法成不怕刀槍利是不獨邪術有禁兵器法道家亦當有之也

康熙字典木部棹字下引宋楊億談苑咸平景德中主家造檀香倚卓

元敕修百丈清規卷一云始山隋開皇三年詔天下正五九并六齋日各寺建祈禱道場不得殺生命取藏經中有毘沙門天王每歲巡按四大部洲正五九月治南

贍部洲故禁屠宰而唐之藩鎮每上任必犒士卒須大
烹宰故以正五九不上官爲禁殺也而俗之爲忌者非
據此則唐人正五九月禁屠宰蓋沿隋制也

純常子枝語卷三十

純常子枝語卷三十一

萍鄉文廷式撰

中國今用單節之音物名亦多一字一義

兩字之名則多聲韻或雙

聲如崆峒崑崙皆鼻韻如蛛鴛鴦皆雙聲

疑上古之時未必然也歲陽歲陰

之名見於爾雅史記者既不可解

西人以爲與猶太同

卽如山名

之盤巫閭澤名之昭餘祁至今亦無有知其義者此斷

非神聖命名必上古語言不同其偶傳於後者人故不

曉也黃帝正名百物蓋在倉頡造字旣成之後去其舊

名而易以新名矣

若渠搜析支之類則三代上西方之古語也然與中國古地名恰甚相近

日本明治以前著述考古者頗多今略摘其有關故實

者青木敦書昆陽漫錄云貞觀十六年一月太宰府言
大唐商人崔岌等三十六人著肥前國松浦郡海岸唐
商至我國也久矣按王朝置太宰府猶舊幕置長崎鎮
臺海外貿易及海防皆太宰府總之商船不入博多港
而著松浦故府帥奏陳此事而已 朝鮮民間所通用
諺文有百五十一字與我四十八字母略相類 尺牘
天葩曰襪襪子卽今之眼罩眼罩竹爲胎令蒙帛暑時
所戴涼笠 古賀煜侗庵隨筆云蝦夷部落酋長號曰
乙名案齊明帝四年授蝦夷鰲田今秋酋帥恩荷小乙
上爲淳代今能津輕二郡郡領淳代郡大領沙尾具那

小乙下光仁帝天應元年五月按察使藤原小黑麻呂
奏曰伊佐西舌諸紋八十島乙代巨猾小乙上小乙下
乙代皆今乙名齊明朝去今一千一百餘年而夷人猶
存舊稱不亦奇乎今奧羽稱老成人爲乙名亦蝦夷時
之舊稱 王氏農書曰去家千里勿食蘿摩枸杞言二
物補精氣也按蘿摩俗所謂人參者邦俗亦有此言
俄羅斯樂人多截去畢丸曰聲音清亮與犬去畢丸者
力强壯一般英國兵卒臨敵閒選男子去畢丸者數十
人此事故執短兵爲先鋒已去畢丸不少怯死雖勁敵莫
不摧破 藤田彪回夫詩史云蒙古來寇北條氏戒國

內警備爲攻漢土之虞其盛可知彰考館文書中一見
此事今不記何文書 林恕文集重修先聖殿記云本
朝之盛大學恒式及諸國廟祀仿唐禮闡揚文光中葉
以來國多艱虞廟壘爲墟殆二百餘年寬永庚午台德
公賜廟外數百弓之地尾張亞相鼎建一堂安聖像及
四配像納祭器手書先聖殿三字爲扁額春秋釋祭人
皆知有此禮漸向儒風 讀千百年眼云明張燧所著
往往標掠容齋之筆升庵之錄而不著其出處 論僧
圓月以太伯爲我祖云豐聰蘇馬之所記安麻呂之所
筆舍人皇子之所撰皆謂自瓊尊降臨西列神武東征

以來百有餘世正統一姓相傳世傳東山僧圓月修日
本紀謂本朝吳泰伯之後也晉書云爾廷議爲誑遂焚
其書按月言不必爲妖妄夫泰伯遁荆蠻自號勾吳句
吳今甯波府唐時謂之明州古昔遣唐使自此而上舟
與筑紫不遠風順波穩則四五日而至然則太伯以至
德來化我國蒼生仰慕尊爲靈神所謂大靈如存者安
知其不爲泰伯乎神武卽位當周惠王之時去文王殆
二十世自靈貴至神武六世其數雖不合開國之始不
可謂無長生之人徐市覓藥來朝其或慕泰伯之迹耶
圓月僧中巨擘博聞強記曾揚芳聲於異域其必有所

見也 山崎美成世事百談云世人以六十一歲直生

年支千謂復本卦唐土人目爲華甲以華字拆爲六十也陳白沙詩以七十七歲爲喜年八十八爲米年皆拆字之稱也 王充論衡曰周時倭人貢鬯草文獻通攷曰女國在扶桑東千里食鹹草貝原篤信太和本草曰和名亞志宅草八丈島民植之充糧草類防風分爲三葉莖微紅小者不紅微有香氣本草綱目炮炙論曰杓音節毛霜溺銷斑腫之毒按杓毛鹹草鹽草鬯草數名而一物亞志宅草八丈島所名古松軒八丈筆記曰亞志宅草生山中刈去隨生四時不絕莖生土際深蒼色島

人爲仙寡病保壽七八十者此草爲糧也 廣瀨政典

蒙齋有方錄云足利學校聖廟夫子及十哲像後世作

夫子冠似綸巾 大德寺有趙子昂真蹟曰染雲爲柳

葉剪水作冰花不是東風巧何緣有歲華字掌大書法

適美 廣瀨政典酬夢編云磯原有天妃祠我邦海運

遇颶風者必祈金毘羅神不知有天妃水藩有此祠自

朱魯嶼始冲繩長崎皆有天妃皆漢土俗 蒙翁見聞

隨筆云刀鞘妝鮫本唐俗白樂天詩刀劍鰐魚鱗是也

增島固楮陰雜錄云十三經注疏明永樂中始刊於

國子監

見孫之騷
松原經說

其後正德間陳鳳梧重刊之嘉靖閒

御史李元陽等又校刊於福州府學

大學衍義補云福州府學尙存其板

又有萬曆中祭酒曾朝節等刊本

見陸啟滋客燕雜記有崇禎中

琴川毛晉刊本然十三經注疏名見周密癸辛雜識則

宋時已有而非明始定也特鏤版本昉乎明而已又按

東山左府拾芥鈔裁十三經目無爾雅孟子而有老子

莊子豈唐尊老莊列經之目所定歟事逸於彼而傳於

我者往往有之亦學者所宜考也 筑前田邊村所建

石刻阿彌陀經相傳元襄陽龍興寺中所有隋人陳仁

龍書安元中小松內府重盛使舟人妙典航海赴宋寄

沙金三千兩於襄陽育王山山僧德光深感其誠贈此

碑石比還內府薨平氏滅無所復命投石於海溼後人
移建於今所云小松內府寄沙金育王山事見平家物
語而不言碑石事人或疑爲偽造按經文一心不亂下
專持名號以稱名故諸罪消滅卽是善根福德因緣二
十字世傳本所無而王日休龍舒淨土文及靈芝跡多
二十字與此襄陽石本符合文字雖漫泐筆勢勁渾非
後人所能爲湖廣通志襄陽府志育王山志諸書殘碑
斷碣必備錄而不舉此石是歸於我而不存於彼也釋
源空選擇集親鸞教行住證並載襄陽碑經文然引淨
土文而不言其見存於我則知當時湮沒海溼而未顯

也 平山潛實用館讀例云農桑書後魏賈思勰齊民
要術元王禎農書周之璵農圃六書孟琪農桑輯要不
知誰著農政全書曰孟琪作元史類編伯顏傳附載孟
琪蓋此人按元史類編二十二曰暢思文字純甫拜監
察御史上所纂農政輯要尋遷漢中道巡勸農副使張
師說不考及者何也李氏農事直說姜氏黔陽雜錄張
國維農政全書纂輯齊民要術農書農桑通訣救荒本
草者有此書不必要他書書中玄扈先生者徐光啟也
荒政要覽明俞汝爲所輯康濟錄全襲荒政要覽 朝
川鼎善庵隨筆云朝鮮役加藤清正征咸鏡道小西行

長征平安道清正至咸鏡道會甯府生獲兩王子退屯
咸甯府未曾出兵道外而朝鮮征伐記清正記將誇耀
我武曰逼兀良哈國都兀良哈秦漢遼西郡不接朝鮮
界續文獻通攷曰洪武廿二年夏詔以兀良哈地置三
衛云云清正固無至此之理川口靜齋隨筆曰觀瀾先
生問對洲兩森芳洲兀良哈何方曰朝鮮方言總稱邊
界荒外之地曰於羅牟加以非一定地名清正所過今
不知何地意皆西北邊界地朝鮮總稱爲於羅牟加以
者後人妄填女直兀良哈者得此說始釋然 尾藤孝
肇冬讀書餘云唐書日本傳載粟田真人冠進賢冠進

賢冠未詳其制今冠幘頭漆紗按宋畢仲詢幕府燕閒錄云幘頭自隋以前只是皂絹羅其首唐馬周始制四腳繫繫於上二腳垂於後又加巾子制度不一偽蜀始以漆紗爲之不知與我先後如何北史高勾驪國人頭著折風形如弁吾俗所用風折帽卽是也歟尾藤孝肇靜寄餘事云宋史外國傳載日本僧裔然表語極精麗按鶴林玉露亦載裔事筑前扶桑最初禪窟裔開基寺林信勝羅山集神武帝論云東山僧圓月字中巖號中正子創修日本紀朝議不協火其書余按諸書以日建妙喜院修日本紀朝議不協火其書余按諸書以日本爲吳泰伯之後泰伯逃荆蠻斷髮文身與交龍雜居

其子孫來筑紫土人爲神此天孫降於日向高千穗也
土人始爭起拒之是大已貴不順服也其與交龍雜故
有海神交會之說其所齋有墳典邱索科斗文字故有
天書神書龍書之說其三以天下讓故以三讓兩字揭
伊勢大神宮圓月爲說牽強附會如此然而似有一理
夫天孫誠自天而降何不於畿邦而於西鄙葢爾千穗
峰何不夙都中州治野而必經瓊杵彥火鷄草三世至
神武帝而後東其鋒也神武四十五歲東征至安藝明
年入吉備修舟楫聚兵食積三年而後至河內克長髓
彥於孔舍衛坂入大和建樞原宣以神武雄略其難如

此蓋大已貴長髓彥我邦古昔酋長勢力固足抗之而神武伐之布政國中垂天壤無窮之統余於是愈信姬氏積德累仁本枝百世而泰伯之至德雖滅於越其統越海立萬世無疆之國體也 伊藤長肩紹述集跋唐明州刺史鄭審則牒云唐德宗貞元廿一年乙酉明州刺史鄭審則批判求法目錄一卷見存於天台山松禪院院主後雄屬余跋語按唐貞元乙酉當我桓武帝延曆廿四年距今九百廿九年而完全不損唐家當時制度可見者賴有此判而惊中稱爲禮義之國亦足知其善我邦之禮俗也檢唐書鄭審則無所見三代實錄光

孝帝仁和二年圓珍奏狀具載此事曰鄭審則批判求
法目錄知曩時甚重此牒也批中言陸台州不著其名
檢元亨釋書則台州刺史陸淳也淳字元冲避憲宗諱
改賜名質歷官尙書郎國子博士給事中太子侍讀刺
台信二州旣歿柳子厚作墓表名傳儒林蓋顯人也其
知台州求法之所自鄭爲明州卽寧波府本朝使人歸
帆開洋之處故俱書其官也 佐藤直方白石史論云
新唐書日本傳建中元年日本使者真人興能來史寶
龜九年十二月以布勢朝臣清直充送唐客使天應元
年六月送客使等自唐還此歲辛酉建中二年也興能

卽清直猶妹子稱因高葛野稱賀能以我方音相通故也舊唐書以真人爲官名新唐書謂因官而氏皆不得我情者 隋書曰自義安浮海至高華嶼又東行二日至黿鼉峽又一日至琉求義安卽今潮州高華嶼俗謂之東番卽今台灣黿鼉峽今所謂惠平也島明人曰熱壁山古今方言之轉耳 寬永閒長崎送到邏馬國人其人被服如我俗荷蘭人云實邏馬王使者爲諸藩游說以求好請示者示以利瑪竇萬國輿圖其人曰歐邏巴人未聞有利氏子者嗣後得金閭鍾始振闢邪論於新增大藏函中始知竇本生於廣東旁海島閒北學於

中國實非西方之人則前者之說果不誣矣 岡西勝
消閒雜誌云觀東國通鑑朝鮮風俗與我略同如娶姊
妹尚異教信怪詐王子爲僧王女及夫人爲尼眩惑妖
言尊信僧侶造塔飯萬僧五服給假式守庚申贈贈神
祇勲號類和韓相似蓋我邦文明多來自韓土也 宋
景濂櫻詩曰賞櫻日本感於唐嬌豔牡丹兼海棠恐是
趙皇所難畫春風纔起雪吹香貝原篤信格物餘語云
文選沈休文早發定山詩云山櫻發欲然注櫻果木名
花朱色如火欲然篤信謂本邦櫻花帶微紅而非朱色
且其子不堪食決是別物朝鮮亦有之韓客曰二三月

開淡紅白花可愛賞名曰奈木 木下貞幹錦里文集
泰伯論云泰伯逃世而三讓之餘慶施覃本朝神風聖
俗聲教漸被無所不至自人皇之建極二千有餘歲此
則至德之化之澤之久而大其文可知也 太宰純紫
芝園漫筆云論語三省猶言三讓三復三詳辭不必泥
三次之數朱子以爲三事曾子所省偶止三事若四事
則將曰四省耶 青山延光櫻史新編云櫻花一種有
稱楊貴妃櫻者以櫻花豐豔似貴妃託名花傳名海外
此貴妃之幸宋濂日東曲曰玉環妖血汙寰中豈有靈
祠祀鬼雄莫是仙山眞縹緲雪膚花貌主珠宮注云國

有楊貴妃祠案此有所源行囊抄曰尾張人相傳貴妃見方士於熱田謠曲有貴妃一曲演白氏長恨歌海中仙山者 菅晉帥筆乃須佐美云八丈以南海中一所白鳥數千盤舞高颺直至眼力所不及如白色柱稱曰鳥柱蝦夷海中有小島牡蠣堆積爲島者漢人蠟山是也

釋門事物紀原推古天皇二十三年三月高麗國僧惠灌來弘三論宗

西人書言阿彌陀佛譯卽頂上圓光余問之南條文雄云此說誤也阿彌陀佛按梵文意義當作阿彌陀阿引

庚斯阿訓無彌陀阿訓量庚斯者壽譯言無量壽也一作阿彌陀阿引婆譯言無量光也一佛有二名以顯光明壽命之無量也又云西人信阿彌陀佛者夙所未見二十年前傳梵文阿彌陀經於倫頓讀之者以爲非佛說日本人亦往往疑之但以阿彌陀佛爲理佛則多有首肯者然淨土門固稱指方立相故某不敢枉其說云南條爲本願寺僧親鸞之宗派本於南齊曇鸞阿彌陀義可謂不背家法矣

般若心經呪語南條文雄爲余譯之云行

揭行誦過行

波羅過行

揭波羅僧

覺提莎婆訶

此語不可譯純密句也

此四語

皆形容覺道者也余問以楞嚴呪南條言此在五種不翻之列故亦未能明解余以楞嚴晉宋譯本與房相本迴異詢之南條云梵本同題異文者極多如淨土三經中無量壽經現有漢吳魏唐宋五譯此中漢吳一類魏唐一類宋全異其撰而已所得於英國梵本又與前五譯不同如法華經亦然蓋印度人本尙記憶後世各地各人筆記之故有詳略異同之別平日所攷如是恨漢譯梵本中土未有全存者矣

余問南條印土有密宗否婆羅門呪語與釋典呪語有相通處否南條云密宗之事今時印度殆無其傳密宗

所傳呪往往有與婆羅門同一者西人以呪語爲佛說此以哲學眼視佛故曰佛不可說如此不明之語也此其機緣未熟歟高楠順次郎云經呪中有可解者有不可解者其可解者義甚容易島田蕃根曰呪術門本婆羅門所建立南天鐵塔之說卽點鐵成金之喻也其事玄妙不可以理解說

南條文雄曰佛經卷初舉同聞衆之數曰大比丘衆千二百五十人此數在梵本直譯當曰半三百解曰此三十非滿數以三加十者故非三十而十三也梵語及歐洲語十三及三十其以三數置十數前以爲一語而

二語全別今梵本所謂主十百是十三百卽千三百也
其上有半字者示減半百故千三百中減半百卽五十
是爲千二百五十按德意志人稱兩點半鐘爲半三點
鐘正同此例

英人遮末士司溫珀北支那戰記云喇嘛廟迴廊內有
青綠色菩薩數個其一三頭一軀云此菩薩能守護男
女大倫婦女羣詣禱生子堂旁甚多私室皆祭喇嘛神
者西藏沙門數輩住焉第二堂有菩薩數個屋背畫髑
髏皮肉剝脫者壁挂衣服數十領堂內有經函稱曰馬
美函底有樞軸可以旋轉凡善男女禱告口唸呪一句

手轉此經函云一轉之功足抵誦全經也余就僧徒問所念呪文其文曰唵嘛奈波拖彌爾吽又曰唵嚩薩刺巴乃吽嚩脫此禱守護天地眾生傷害及苦難之義向大小菩薩誦此呪文菩薩寶座上置鐵板籤子數十條上寫西藏文字支那莊嚴喇嘛教殿堂蓋將合并西藏入版圖也 聖祖遠略亦可畏其闢新疆亦用此術也董越朝鮮賦注曰其國音有二樣讀書則平聲似去如以星爲聖以煙爲燕之類常語則多類女直甚至以一字爲三四字呼者如以八爲也得理不之類是也一字作二字呼者尤多

岡千仞言高麗諺文里土所撰

里土人名

至今已千餘年里

土唐時人然高麗今時之諺文則明初所修又非里土之舊內藤虎次郎云里土一作吏道速水一孔言高麗諺文誠不知始於何時然在高麗時曾細攷之實與元時蒙古文大略相似也松岡馨朝鮮語學云元來本邦之假名悉能現彼國之音按日本與新羅同種此亦可證滿洲地誌三百六十五頁云新羅在唐代統轄三韓之地屢遣使入唐留學就中最可稱者用國音發明國字朝鮮國人說云新羅慶州府之學士薛聰碩學英才達支那印度之古文用歷年之工夫以製國字名之吏讀一曰

吏套用發朝鮮國音勝於日本假名云但吏讀以漢字

文書唯假其音不取其字義或曰此文爲吏吐

音伊

如

支那之俗文云余按朝鮮人成侃慵齋叢話云世宗設
諺文廳命申高靈成三問等製諺文初終聲八字中聲
十一字其字體依梵字爲之本國及諸國諸音文字所
不能記者悉遇無礙洪武正韻諸字亦皆以諺文書之
遂分五音而別之曰牙舌唇齒喉脣音有輕重之殊舌
音有反正之別字亦有全清次清全濁不清不濁之差
雖無知婦人無不曉之傳雲龍日本圖經曰朝鮮世宗
莊憲王名禔明永樂十七年卽位然則諺文爲李禔所

撰吏道里土吏讀等說皆音訛致誤也

日本刻佚存叢書之天瀑山人余問之日本人多不知其名重野安繹云天瀑山人爲林衡號述齋官大學頭世稱林祭酒幕府儒官以官儒故不著姓名成齋所言官儒者言以儒入官人人知其姓名也然距今八十年許而知之者已罕矣日本帝國圖書館目錄正作林衡輯

五大洲亞細亞之名友人黃楸材補注漢書西域傳以爲當由西人先通安息遂以安息之名統目全洲亞細亞之音由安息二字轉變也或曰先有小亞細亞之國

由此以達東方故有亞細亞之名其亞非利加歐羅巴
兩洲得名之故則東土諸書無論及者余屬日本內藤
虎次郎檢西書攷之內藤覆余云承問二洲名稱粗得
其說亞西里人按即亞利安稱朝陽所照之地曰亞細即亞
細亞之名所由來也稱西方夕暉紫映之邦曰葉列夫
轉而爲其屬土西極摩利他尼亞及伊伯利亞半島之
名再轉而爲西方大洲之名卽歐羅巴也此說似頗有
據歐羅巴之義更有一說出於希臘神世史所傳曰菲
尼西亞王亞地拏爾有子女各一子曰喀特木女曰歐
羅巴喀特木後移住比阿地亞建德伯國希臘之有阿

爾法伯都

卽古希臘字
母十六字

實喀特木傳來自菲尼西也歐

羅巴神女之從熱烏斯神

古希臘最
尊之神

而來德兒菲也變

形爲白犢歐羅巴之稱起於此神女云其說荒唐無可
徵信當以亞利西語自出之說爲長亞非利加則羅馬
人語然西書未見載其義者余謂以日出入命名於義
固近卽變形白犢與印度天帝化牛之說亦頗相同古
說流傳遂爲口實似此者多矣亦未可盡以爲荒誕也
摩醯首羅爲息罷者以自在天能生滅自由之故也
唐窺基法苑義林卷七云梵云摩醯首羅卽瑜伽所云
大自在第十地菩薩也第十地菩薩將成佛時往色究

竟上坐大寶蓮華成正覺此佛家欲化息罷教之說也

自在天外道教謂之一因家島田蕃根云基督教卽

釋典所稱自在天外道

余曾錄十二門論駁自在天一條與島田說正合

本行經云摩醯首羅其神極惡而後有靈俱舍論卷七云嚕捺羅此云暴惡自在天有一千名此是一號大日經疏卷五云嚕捺羅是摩醯首羅異名又云嚕捺羅卽是商羯羅忿怒身也此皆足證南條之說并上圓了外道哲學云考西洋所傳自在天爲三神中之淫婆卽破壞神佛書中未見其說余亦徧檢佛藏而未有實據此或在婆羅門書中耳

德意志人蘭兀卡比兒人類及人種學云墨西哥人俗
側容易習得事物依自然之理論善於判斷正邪然則
其性質固與西北亞美利加人種迥異其爲亞細亞人
渡海而居孳生蔓衍可無疑也慕維廉地理全志卷四
云墨西哥古已自立爲國城邑壇廟宮闕廨署靡不建
造肖物形而作字有律法地有發按或是廢字之訛城爲千餘
年之遺迹時代名字悉湮沒而不可考俄羅斯博士羅
機跌士托威文士基神學汎論云墨西哥人以爲神無
所不在無形可見故不作像設不建禮拜堂此則尤合
中國如在之古義卽謂之宗教相同可矣

元旦推各國曆紀云泰西曆一千八百五十七年正月
廿六日俄羅斯爲正月十四日以耶蘇降生爲元回回
曆一千二百七十三年五月三十日以馬哈麻離本國
之年爲元巴社曆按卽波斯一千二百二十六年六月初四
日以薩沙泥朝末主野特日卽位之年爲元猶太曆五
千六百十七年五月朔日以開闢爲元暹羅緬甸諸國
曆國年一千二百十八年十一月朔日以暹羅勇士非
雅克勒時爲元佛年二千三百九十九年九月十六日
以佛涅槃之年爲元按日本以神武天皇開國之年爲

元在咸豐丁巳之後故此書未及載

湛園札記卷四云杜詩壽酒賽城隍北史慕容儼守郢州城中先有祠一所俗號城隍神此城隍神始見史傳者

黎僖大越史記全書卷六陳紀癸卯

元大德七年

八月禁李

朝廟諱蘊瑪尊德煥祚翰

原注翰音幹與幹同又古汗切月初減切聲與讖同

八字減畫知玉堂雜記翰字誤也

葉廷珪海錄碎事卷十二引市舶錄三條曰市舶者其利不貲推金山珠海天子南庫也又曰海南諸國雜貨所湊又曰有獨檣船深五十餘肘三木舶深四十餘肘

又有牛頭金睛舶其大者可載一千婆箇方言二十兩爲一加底二百四十加底爲婆箇

濊地今或不知所在按朝鮮通漁事情云江原道在慶尙道之北咸鏡道之南東一面臨日本海文獻通考云濊亦朝鮮地南與辰韓北與高句驪沃沮接則本道適當其地然則今朝鮮之江原卽古之濊地矣又咸鏡道卽古高句驪故地全羅道卽古百濟之故地慶尙道卽古新羅弁韓辰韓之故地濟州島卽耽羅之故地島有漢羅山一云耽羅國蓋以此得名山高六千五百尺爲朝鮮通國第二高山與全羅道之知理山江原道之金

剛山並稱三神山矣長白山朝鮮人名之曰白頭山見麗使問答滿洲地志云長白山卽長嶺子在興京之北朝鮮史乘以平安道一帶之山脈所謂單單大嶺者當之似太牽強滿洲源流攷云今吉林西南長嶺子滿洲語稱歌爾敏朱墩按遼史有長嶺府又新羅記靺鞨燒長嶺之五柵皆卽此地

歐陽文忠日本刀歌云徐福行時書未焚遺書百篇今尙存令嚴不許傳中國舉世無人識古文近三百年已知此說之不確矣然朝鮮趙泰億使日本時曾輯江關筆談麗使舉歐詩爲問而日本白石源與君美應之云

本邦出雲州有大神廟俗謂之大社嘗聞神庫所藏竹
簡漆書蓋古文尙書云又云尾張州熱田宮宮中亦有
有竹簡漆書二三策云蓋科斗文字而概以爲神府之
祕不可獲觀余案白石君美日本之博雅士也其故爲
附會以對外人耶抑果舊有是說耶注歐詩者要可以
此爲證也白石君美一稱新井君美

宋祝穆古今事類全書續集卷十八云豐城萍鄉二縣
皆產石炭於山閒掘土黑色可燃有火而無焰作硫黃
氣旣銷則成白灰按吾鄉所產油煤俗亦稱洋炭者作
深黑色其堅如石卽此書所謂石炭也是宋時民間已

開山採取故祝氏得記之

祝氏說必出當時地誌特偶未注所引書目耳

元太祖之事洪文卿譯補元史記之稍詳然論者或謂其有攻戰之略無制作之才未能如拏破侖之定國律也余按俄羅斯人所著鐵木真帖木兒用兵論卷一云蒙古無固有之文字成吉思取畏吾兒之字母增改使童蒙學之又以蒙古語編輯律令此律令用銅版鐫刻平時祕藏之每新汗卽位之日及其他大事各諸侯會同之時則取閱決事此慣例今尙存於波斯云然則太祖定制之才亦不易及而其律令所以祕不示人者蓋兵略存焉元史虞伯生傳所謂脫卜赤顏或兼有此律

令矣柯九思宮詞自注云凡大宴世臣掌金匱之書必

陳祖宗大札撒以爲訓其說亦與此合

大唐西域記云自佛涅槃諸部異議或云已過九百未

滿千年當赧王時或云一千二百餘年當周靈王時或云一千三

百餘年惠王時或云一千五百餘年平王時鶡嶺聖賢錄云說佛

生時凡有八別一夏桀時二商末武乙時法顯議三西周

昭王時法本內傳案釋家多引周書異記以爲佛生於昭王二十四年甲寅上統傳阿含經並同

四穆王時五東周平王時王玄策六桓王時道安七莊王時

王簡八貞定王二年甲戌趙伯休眾聖點記隋唐以來紛然聚

訟近時日本撰述家詳攷佛教村上專精佛教史林則

取舊說謂佛生於周夷王之世先於耶蘇紀元八百七十六年姊崎正治則據錫蘭傳說以爲在耶蘇前五百四十三年以阿育王與佛滅之間證之富永仲基出定後語則據趙伯休遇律師弘度語以爲生於貞定王二年甲戌然佛教小史佛陀論則據眾聖點記以爲佛滅於周敬王三十五年丙辰則在耶蘇紀元前四百八十五年而南條文雄考之西方各書三十二種立說亦與之同藤井宣正佛教小史則用善見律毘婆沙之說以爲佛滅度在西曆紀元前四百七十九年則生於靈王十四年癸卯涅槃於敬王四十一年壬戌後於孔子四

年藤井所引四十八說文中原武八郎佛陀論所引五十五說然每混生年爲滅年今采其異同更博引諸書補正之西藏語文典有謂佛滅在西曆紀元前二千四百二十二年者有謂二千一百四十四年者有謂二千一百三十九年者有謂二千一百三十五年者有謂一千三百十年者有謂一千六十年者有謂八百八十四年者有謂八百八十二年者有謂八百八十年者八百三十七年者七百五十二年者六百五十三年者五百七十六年者五百四十六年者以上十四說皆南條文雄所譯蒙古史家沙南先達所傳則先於西曆紀元二

千五十三年見蒙古源流巴列士達士蒙古士的錦倭
路卡則謂一千九百六十四年多列巴那歐洲人文發
達史引迦淫彌羅所傳則云一千三百三十二年文獻
通考卷二百二十六云在殷紂王辛未則當西曆紀元
前一千一百三十年聖賢錄言周武王卽位之頃則先
於西曆紀元千一百二十年法顯傳言周成王三十二
年之頃則先於西曆紀元千八十四年庫索麻亞細
亞探求卷二十其記蒙古及西藏所傳則在穆王二年
辛先於西曆紀元一千年法琳別傳定爲周穆王五十
三年聖賢錄又以爲周懿王十三年或厲王十一年或

莊王六年或襄王十一年十二年或頃王一年

癸卯或二

年

甲辰或定王四年蘭銑第二卷以爲先於西曆紀元八

百五十二年汲古士麥多難穆喀蒙古佛教史以爲先

西曆紀元八百三十五年五運圖以爲東周平王四十

八年戊午歲佛生見贊甯僧史略像正記以爲佛滅於

周惠王八年任拉紫冊第二卷以爲先西曆紀元六百

五十二年道安羅什年紀及石柱銘以爲佛生於周桓

王五年乙丑則滅於襄王十五年甲申先西曆紀元六

百三十七年費長房歷代三寶記定佛生於周匡王四

年甲午先西曆紀元六百九年以恒星不見爲徵多列

巴歐洲人文發達史引暹羅錫蘭所傳則在周定王六年辛酉先西曆紀元六百年緬甸人所傳云則在定王十一年壬申先西曆紀元五百八十九年又云靈王二十三年壬子先西曆紀元五百四十九年西域記第六卷印度傳說五百五十二年又云三百五十二年又云二百五十二年巴資亞細亞探求記載佛陀伽耶緬甸碑文五百四十四年泰西人依據暹羅錫蘭所用佛滅紀元則先於西曆紀元五百四十三年阿自沙麻教師法持梵志說則五百二十年不姑列兒教學論之說則四百八十三年或四百七十一年緬甸佛傳記佛陀伽

耶碑文則四百八十一年堪捏富哈默之說則四百七

十八年麻苦士希科列兒之說則四百七十七年苦列

之說

見佛陀傳序說

則四百七十年緬甸佛傳又云在西曆紀

元前五世之末

印度史家之說

又云四百四十二年利士大比

自據錫蘭古貨幣謂佛入滅在西曆紀年前四百十二

年荷蘭人開倫佛滅年代考云三百八十八年愛士達

加兒多氏及挖比兒氏兩家之說或三百七十年或三

百六十八年見西藏佛教及佛滅年代考以上各說遠

者及於帝嚳近者生於周末相距逾二千年而證以東

西各書則與孔子同時而先於耶蘇五六百年者爲得

其實至佛住世之年則佛般泥洹經及佛祖通載等書皆以爲七十九歲西域記緬甸佛傳等書皆以爲八十歲今定從八十歲說

西藏之十四說南條文雄所著佛涅槃年代攷引之西藏語文典乃匈牙利人曲莎麥所著曲莎麥探檢西藏佛教以西曆一千八百四十二年再赴西藏歿於大吉嶺途次其說采自西藏人教典中未詳所由來藤井宣正云其第九說與玄奘西域記佛涅槃諸部異議之第三說近其第十三說與第一說近又蘇拉筋托歪脫所著西藏佛教第七頁佛滅年代之異說自西曆紀元前

二千四百二十二年至五百四十四年與曲莎麥所錄
雖未知同異何如而五百四十四年之說與錫蘭所傳
同故南條以爲曲莎麥之十四種非盡西藏所傳之異
說也

西伯利地志卷五云唐代史家記突厥俟斤汗之末子
達頭汗住土耳其格國之西部卽天山之北側斜面五百

六十九年

據耶蘇紀元

東羅馬帝裕斯尼齊安第二世遣使

臣色馬兒赴西突厥當時僧玄奘赴印度到天山伊什
克里泊之近傍於明伯羅克宮謁見西土耳其爾國肆
葉護汗明伯羅克土耳其語千泉之義按大唐西域記

一參云素葉城西行四百餘里至千泉千泉者地方二百餘里南面雪山三垂平陸水土沃潤林樹扶疏暮春之月雜華若綺泉池千所故以名焉突厥可汗每來避暑卽此地也

純常子枝語卷三十一